

# Долан джилä зураг болзгаснь урд күцäхмн

«1959 — 1965 джилмүлт

СССР-н олт-äмтнä äдл-ахун делгртин контрольтн тоогын тускар» КПСС-н XXI хург дээр үр Н.С. Хрушевин кех докладин тезисмүдär күүндвр кехин төлä, Сталинä нертä колхозин эклц парторганизац партийн биш улс орацлагьтагьар партийн хург кев.

Мана төрскн Коммунистическ партин темдглсн эврәннь төрскнän экономическ болн культури өскдж-örgджүлхин туск алдр шин зураг таасдж хург дөнънв.

— Мал өсклггьиг бидн хурдар örgджүлдж чадх эв-аргъ бäänä, — гидж колхозин ахлач үр Н. Любченко келв. Колхозин долан джилä зураг гурвн джилин эргцд күцäдж чадхвдн. Ода, 1958 джил маднд бääх 52 миньггьн хөөнä болн 2300 бод малин орчд 1962 джил бидн 75 миньггьн торггьн нооста хөөтä болн 3000 бод малта болхвдн.

Энүнä келсн үг дээр немдж колхозин ах зоотехник үр Н. Соколовский келв — мана темдгджäх зураггьар болхла — долан джилин туршар мал өскдж-örgджүлх зураггьан бидн гурвн джилин эргцд күцäдж чадхвдн. Джил болггьн

400 тоннас үлү ноос, 1000 тоннас үлү мах, өрäl сай литр үс өгч чадхвдн. 1958 джил 13 сай арслнь мөнъгнä орута бääсн болхла, долан джилин эргцд мана колхозин орунь 30 сай арслнь күрч өсхмн.

Долан джилä зураг таасдж, колхозин äдл-аху өскдж-örgджүлхин тускар селвгән өгцхäдж ОТФ-н заведующин дарук Т. Мошенко, комплексн бригадин бригадир М. Калужный, малин эмч И. Малиев, колхозник И. Цигалов келцхäv. Малан күццднй усар теткхин төлä бөөдгуд, плотин болн ус элвгär хадгьлдг нур, худгудас ус татлгьиг механизировать кехин тускиг берк керг гидж äдн келцхäv. Темс болн сад элвгär тärхмн, колхозиннь өөр шидр олзлгдг газрт кошармуд, хаша-хаац элвгär бäräд, төрүнд малан үвлзүлдг болхмн гидж келцхäv. Колхозмудт школ-интернат, мал өскäчирт бääх гермүд тосхх, колхозникудин гермүдин өөрäггьар кеерүлдг мод болн сад тärх, бас нег эркн кергтä төр, — гидж тракторн-полевой бригадин бригадир үр И. Борисенко келв.

И. МАСЛОВ.